

Dušo draga, halalosum

Dušo draga, zar odlaziš,
Svome dostu zar polaziš
K'o musafir na tabutu
Ostavljaš me u behutu
Na 'vom svijetu uplakana,
Bez ijednog b'jela dana

Gorka mi je svaka zora
Gdje da nađem razgovora
Kad poteku svi ezani
I zapljušte šadrvani
Baš k'o da me zovne neko
Iz sobice, a daleko

Dušo draga, halalosum,
Evlijama – selam olsun,
Nefsu tvome sad Bajram je,
Teško onom ko ostaje
Zar dunjaluk tol'ko traje:
Bio – proš'o...b'jel behar je!!!

Junus-Džemal suze lije:
Na 'vom svijetu pusto mi je.
Jednog dosta još imadem
Kome mogu kazat jade,
Ko razgoni srcu tugu
I razdani noćcu dugu